

*infructorum vestrorum illuminata imperitia nostra, forsitan vel in hoc imitetur pinguisssam atque fertilem terram; seminatumque verbi granum libenter suscipiens ad fecunditatem salvum perducat. Deo acceptas denique sui orationes solite ministrare tam meæ parvitati, quamque his qui mecum sunt, benignus meus Dominus dignetur. Subscriptio. Cyrus humilis exorans pro honoratissima vita Deo honorabilis mei Domini, suggeſſ.*

Duo ergo hic facta narrantur: Primum, Heraclii Imperatoris cum Paulo hæretico Severiano congressio, quæ Theodosiopoli in Armenia contigit anno 622. qua in congressione quum Heraclius Paulum redarguisset, quod duas in Christo naturas negaret, eo ulterius progressus est idem Paulus, ut diceret, unam esse in Christo operationem. Alterum est, quod post aliquod ab ea congressione tempus (hoc est, anno Chr. 626. uti mox patebit) idem Heraclius Imperator ex Armenia in Lazorum provinciam adveniens, atque Cyrus in urbe Phaside de iis, quæ tibi Theodosiopoli cum Paulo contigerant, alloquens, interrogavit eum, quid ipse sentiret de una Christi operatione, quam Paulus in ea disputatione cum Heraclio afferuerat. Cyrus ea de re Sergium Patriarcham per literas, quas modo retuli, consultuit. Sergius ad Cyrus rescribens, direxit ei Sermonem Acclamatorium Mennæ ad Vigilium, habentem testimonia de una operatione, & una voluntate Domini nostri Jesu Christi.

Libellus Synodicus de Constantinopolitana Sergii Synodo per eam occasionem anno Chr. 626. habita. Post Justini vero mortem, Justinus pius imperavit: quæ Joanne Scholastico vita fundo, Beatum Eutychium ab exilio revocavit, restituto ei solio. Quum autem in quoque ad Dominum migrasset, Joannem Nestutem summo Byzantii in Chriſto Iesu Sacerdotio fungi jussit. Justini autem imperium Tiberius exceptit, & hujus Mauricius. Mauricii vero Phocas ille hominum osor. Joannis autem Nestutæ solio Cyriacus positus est, & hujus Thomas; iterumque hujus Sergius Monothelita. De repente autem Hera-